

2024-mi Nunatsinni Ilisimatusarnermik Siunnersuisoqatigiinni ilaasortassatut piukkunneqartunik inassuteqarnissamut aggersaaneq

Ilinniartitaanermut, Kultureqarnermut, Timersornermut Ilageeqarnermullu Naalackersuisoq Nunatsinni Ilisimatusarnermik Siunnersuisoqatigiinni ilaasortassatut piukkussanik siunnersuuteqarnissamut matumuuna aggersaavoq.

Piffissaliunneqartoq: 15.10.2023

Nunatsinni Ilisimatusarnermik Siunnersuisoqatigiit 2024-mi nutaanik ilaasortaqaalertussaapput. Ilisimatusarfiit, qitiusumik ingerlatsiviit allallu inassuteqarsinnaatitaasut siunnersuisoqatigiinni ilaasortassatut piukkussaminnik siunnersuuteqarsinnaapput. Inassuteqaatit Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfimmi kingusinnerpaamik ulloq 15.10.2023 tiguneqareersimassapput.

Tulliullugit takuneqarsinnaapput ilisimatusarfiit, qitiusumik ingerlatsiviit allallu inassuteqarsinnaatitaasut, inassuteqarsinnaatitaasullu kingorna piukkussanik inassuteqarnissamut ilitsersuut.

- Ilisimatusarfik
 - Ilisimatusarfimmi Kalaallit Nunaanni Peqqissusermik Ilisimatusarfik
 - Ilisimatusarfimmi Issittumi Atugarissaarnermik Ilisimatusarfik
 - Ilisimatusarfimmi Meeqqat, Inuusuttut Ilaqutariillu pillugit Ilisimatusarfik
 - Ilisimatusarfimmi Oqaatsinik Ilisimatusarfik
 - Ilisimatusarfimmi Pædagogikkimi ilinniarnermilu Ineriartortitsivik
 - Ilisimatusarfimmi Nasiffik - Nunanut allanut Sillimaniarnermullu Ilisimatusarfik
- Pinngortitaleriffik
 - Pinngortitaleriffimmi Kalaallit Nunaanni Silap pissusaanik Ilisimatusarfik
- Nunatta Katersugaasivia Allagaateqarfialu – Grønlands Nationalmuseum & Arkiv
- Inuunerissaavik Steno
- Dronning Ingridip Napparsimavissua
- Asiaq - Greenland Survey
- Arctic DTU – Ilinniarfeqarfik Sisimiut
- Oqaasileriffik – Grønlands Sprogsekretariat
- Naatsorsueqqissaartarfik
- Kalaallit Nunaanni Sulisitsisut
- Nalik Ventures
- Grønlandsbanken

Nunatsinni Ilisimatusarnermik Siunnersuisoqatigiit pillugit

Nunatsinni Ilisimatusarnermik Siunnersuisoqatigiit tassaapput nuna tamakkerlugu arlaannaannulluunniit attuumassuteqanngitsumik ingerlatsisartut, ilisimatusarnermut siunnersuineq aningaasaliissuteqarnerlu aqqtigalugit Kalaallit Nunaanni ilisimatusarnermik siuarsaallutillu nukittorsaat. Siunnersuisoqatigiit piginnaatitaaffiat Ilisimatusarnermut siunnersuisarnek ilisimatusarnermullu aningaasaliisarnek pillugit Inatsisartut inatsisaanni nr. 5, 29. november 2013-imeersumi takuneqarsinnaavoq.

Siunnersuisoqatigiinni ilaasortat arfineq-pingasuppit, taakkunannga ilaasortaq ataaseq siulittaasuulluni ilaasortarluni ataaseq siulittaasumut tulliuulluni. Naalakkersuisut siunnersuisoqatigiit siulittaasussaannik ilaasortassaannillu kalaallit ilisimatusarfiannit, ilisimatusarnermi qitiusunit kiisalu aallarnisaasunit nutaaliorninnillu inassuteqaatit naapertorlugit toqqaasarput. Siunnersuisoqatigiinni ilaasortat ukiuni pingasuni atuuttussamik toqqaarneqartarput.

Siunnersuisoqatigiit ilisimasaqarfiit akimorlugit katitigaassapput. Ilisimatuussutsikkut suliaasaqarfiit Siunnersuisoqatigiinni sammeneqartussat tassaapput: pinngortitamut ilisimatusarneq, peqqissutsimut ilisimatusarneq, inuiaqatigiinnut ilisimatusarneq, humaniora aamma teknologii.

Piukkunneqartunut piunasaqaatit

Siunnersuisoqatigiit katitigaaneranni minnerpaamik ilaasortat affaasa ilisimatuunik tatigineqartunik nunanit tamalaaneersuunissaat qulakkeerneqassaaq, tassa inuit toqqaarneqartut ukiuni arlaqartuni ilisimatusarnermik suliaqarsimasuussapput Nunatsinnilu pissutsinik ilisimasaqartuussallutik.

Nunatsinni Ilisimatusarnermik Siunnersuisoqatigiinni ilaasortat tamarmik inuttut pinnaasaat malillugit toqqaarneqassapput, toqqaanermilu nunatsinni nunanilu tamalaani ilisimatusarnermik aamma/imaluunniit nutaaliornermi misilittagaqarluarnissaq pingaartinneqassalluni.

Siunnersuisoqatigiinni ilaasortat Nunatsinneersut nunarsuullu sinneraneersut toqqaqqinneqarsinnaapput.

Naligiissitaaneq

Naalakkersuisut Angutit arnallu naligiissitaanissaat pillugu Inatsisartut inatsisaat nr. 3, 29. november 2013-imeersoq naapertorlugi ilaasortassanik toqqaanerminni angutit arnallu amerlaqqatigiisinniaavaat, tak. pisortat ataatsimiititaliaanni, siunnersuisoqatigiivini, isumaliqqatigiisitaanni assigisaannilu Naalakkersuisut pilersissimasaanni angutit arnallu naligiissinneqarnissaannut tunngassuteqartoq kapitali 3. Kattuffimmit immikkut itumik pissutissaqartoqartillugu tamanna avaqunneqarsinnaavoq, taamaalisoqartillugulu Naalakkersuisut akuerisassaannik tunngavilersuisoqassalluni.

Tamanna tunngavigalugu Naalakkersuisunit piunasaqaataavoq, angummik arnamillu ilaasortassatut siunnersuummik nassiussisoqassasoq.

Siunnersuummik nassiussineq

Ilisimatusarfiit, qitiusumik ingerlatsiviit allallu inassuteqarsinnaatitaasut ataasiakkaarlutik suleqatigiillutilluunniit Nunatsinni Ilisimatusarnermik Siunnersuisoqatigiinni ilaasortassatut piukkussaminnik inassuteqarsinnaapput.

Siunnersuisoqatigiinni ilaasortassatut piukkussamik inassuteqaat Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmi ilisimatusarnermut immikkoortortaqarfiup mailianut nassiunneqassaaq: forskning@nanoq.gl. Piffissaq killigitinneqartoq: 15.10.2023

Inassuteqaatit makkuninnga imaqassapput:

- Inassuteqarnissamut immersugassiaq attuumassuteqannginnermullu nalunaarut piukkunnaatilimmit ilisimatusarfimmiillu inassuteqartumit immersorneqassapput, ilisimatusarfillu inassuteqartoq naatsumik tunngavilersuissalluni (pdf-fili ataani allassimasutut atserneqartoq)

- Piukkunneqartup CV-a saqqummiussimasaasalu allattorsimaffiat (pdf-filimi ataani allassimasutut atserneqarsimasumi)
- Piukkunneqartup kajumissuseqarnerminik saqqummiussaa (pdf-fili ataani allassimasutut atserneqartoq)

Taamaalillutik siunnersuisoqatigiinni ilaasortassatut piukkunneqartut inuttut suliatigullu piginnaasaat misilittagaallu tunngavigalugit inassutigineqassapput, taamalu suliffeqarfik suliffigisaat imaluunniit attuumassuteqarfiat tunngaviginagit. Inassuteqarsinnaatitaasoq piukkussaminik Nunatsinneersumik nunarsuullu sinneraneersumik inassuteqarsinnaavoq, tassa inassutigineqartoq qanorluunniit inuiaassuseqaralarpat.

Inuit marluk amerlanerpaamik inassutigineqarsinnaapput – angut arnarlu.

Inassuteqarnissamut immersugassiaq

Inassuteqarnissamut immersugassiaq attuumassuteqannginnermullu nalunaarut piukkunneqartumit inassuteqartumillu immersorneqarlutillu atserneqassapput. Ilisimatusarfik piukkussaminik inassuteqartoq, inassuteqarnerminut naatsumik tunngavilersuissaaq (naqinnerit oqaatsinullu akunniliussat (mellemmrum) amerlanerpaamik 1000-it).

Inassuteqarnissamut immersugassiaq pdf-filinnngorlugu 'Inassuteqarnissamut immersugassiaq-piukkussap aqqa' taaguusiullugu ilanngunneqassaaq.

CV saqqummiussimasallu allattorsimaffiat

CV saqqummiussimasallu allattorsimaffiat kalaallisut, tuluttut danskisulluunniit allassimassaaq.

CV-p imarissavai (saqqummersissimasat allattorsimaffiat minillugu amerlanerpaamik marlunnik quppernilik) inuup siunnersuutigineqartup suliffeqarfiata adressia eqqortoq imaluunniit adressii eqqortut, tassani sulisoq ilinniagaqarnikkut, suliffeqarnikkut, ataqqinaateqarnikkut, suliatigut angusaqartarnikkut, ilisimatusarnikkut nutaaliornikkullu qitiusumik suliaqarsimanikkut, suliniutinik aqutsinikkut ilitsersuinikkullu sumiiffimmi ataasiinnarmiissimappat paasissutissaateqarpallu. CV paasissutissanik allanut tusarluuteqqusaanngitsunik imaqaassanngilaq (soorlu CPR-normunik) aamma erninermut meeravissartaarnermullu atatillugit sulinnngiffeqarnerit pinnagit ullut sulinnngiffeqarfigisimasat immikkut erseqqissaassutiginnngikkalarlugit ilanngunneqassapput.

Piukkunneqartut ilisimatusarnerminnut atatillugu saqqummiussimasaasa allattorsimaffiat saqqummiussanut najoqqutarisimasanik imaqassaaq aamma allaaserisimasat ilisimatuussutsikkullu saqqummiussat allat immikkoortiterlugit allattorneqarlutillu saqqummiussimasat amerlassusaat nalunaarutigineqassaaq.

Pdf-fili CV-talik saqqummiussimasanullu allattorsimaffitalik atserneqassaaq 'CV-piukkunneqartup aqqa.pdf'.

Kajumissuseqarnermut tunngasoq piukkunneqartumit suliarineqassaaq

Siunnersuummut ilanngullugu piukkunneqartup kajumissusermut tunngatillugu suliarisimasaa nassiunneqassaaq, imatut imaqartillugu:

1. Piukkunneqartup ilisimatusarnermut aamma/imaluunniit nutaaliornermut immikkut ilanngussimasai misilittagaalu. Ilisimatusarnermi/nutaaliornermi qitiutillugu sammisimasap allaaserineqarnera (naqinnerit oqaatsinullu akunniliussat (mellemmrum) amerlanerpaamik

2000-it).

2. Piukkunneqartup nunani tamalaani nunamiluunniit najugaqarfimmi ilisimatusarnermut aamma/imaluunniit nutaaliornermut peqataasarnermini aqutsisarnerminiluunniit misilittagaasa allaaserineqarnerat (naqinnerit oqaatsinullu akunniliussat (mellemrum) amerlanerpaamik 1000-it).
3. Piukkunneqartup Kalaallit Nunaanni pissutsit sulinermilu misilittagai pillugit allaaserinnineq (naqinnerit oqaatsinullu akunniliussat (mellemrum) amerlanerpaamik 1000-it).

Kajumissutsimut tunngasoq pdf-fiilinnngorlugu atserlugulu 'Kajumissuseq-piukkunneqartup aqqa.pdf' ilanngunneqassaaq.

Sulinerup ingerlariaqqinnera

Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfimmi ilisimatusarnermut immikkoortortaqaqfiup siunnersuutit tiguneqartut Naalackersuisup toqqaanissaanut suliarissavai. Naalackersuisoq ilaasortassanik toqqaareerpat, Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfimmi ilisimatusarnermut immikkoortortaqaqfiup toqqaarneqarsimasut nalunaarfissavai. Matuma kingorna toqqakkat siunnersuisoqatigiinni ivertinneqarnissamut atatillugu Nunatsinni ilisimatusarnermik siunnersuisoqatigiit allattoqarfiannit attavigineqassapput. Piffissaq ivertinneqarfiusoq piffissami 1. januar 2024 – 31. december 2026 atuutissaaq. Inissitsiterilluni ataatsimeeqatigiinnissaq 2024-mi februaarip qiteqqunnerani pissasoq naatsorsuutigineqarpoq.

Paasissutissat sukumiinerusut

Piukkussanut atatillugu apeqqutaasinnaasut ilisimatusarnermi ataqatigiissaarisumut Nuka Larsenimut nassiunneqassapput, uunga (nmml@nanoq.gl)